

常郡八邑艺文志

常郡八邑藝文志目錄

東里盧文弼纂定

武進莊翊昆新渠

陽湖莊毓鉉俊甫

卷十一

五言律詩

五言長律

送臨津房少府

五律

唐楊炯

送武進鄭明府

宋之問

秋夜宴臨津鄭明府宅

杜審言

重九日宴江陰

杜審言

和晉陵丞早春有懷

杜審言

送王汶宰江陰

張循之

和常州崔使君寒食夜

孫逖

和崔使君咏後庭梅二首

孫逖

同詠樓前海棠石榴二首

孫逖

送上人之常州依蕭使君

劉長卿

秋夜蕭公房喜普上人自陽羨山至

劉長卿

送陸羽之茅山寄李延陵

劉長卿

送李贛赴延陵令

劉長卿

晚春宴無錫蔡明府西亭

韋應物

送從兄宰晉陵

韋應物

仲夏江陰官舍寄裴明府

李嘉祐

寄毘陵徹公

李嘉祐

常州章郎中汎舟見餞

李嘉祐

留別毘陵諸公

李嘉祐

自常州還江陰道中

李嘉祐

送王汶宰江陰

包何

送陸羽歸慧山

皇甫曾

送普上人還陽羨

皇甫曾

歸陽羨兼送劉八

皇甫冉

送延陵陳法師赴上元

皇甫冉

西陵寄靈一上人

皇甫冉

與諸公同登無錫北樓

皇甫冉

洞靈觀

皇甫冉

送陸潛夫延陵尋友

皇甫冉

送武進韋明府

錢起

送范勉赴任常州兼覲省

錢起

蕭文學山池宴

獨孤及

答李滁州以玉潭莊見託

獨孤及

送韓司直路出延陵

郎士元

赴無錫寄別靈一淨虛上人還雲門

郎士元

荆溪館呈邱義興

嚴維

一公新泉

張維

常州留別

耿濬

雨中宿義興寺

耿濬

故祕監丹陽郡延陵包公挽歌詞

竇常

前題

竇牟

題橫山寺

戴叔倫

送李長史縱之任常州

戴叔倫

送李縱加員外郎却赴常州幕

盧綸

送元昱尉義興

盧綸

喜入延陵望紫閣峯呈宣土人

李益

送義興元少府

李端

送別駕赴晉陵卽舍人叔之兄

李端

西陵懷靈上人兼寄朱放

張南史

送惟詳律師自越之義興

崔子向

周平西墓

權德輿

送三十叔赴任晉陵

權德輿

送從弟謁員外叔父迴歸義興

權德輿

聞韓員外貶國子博士有感

盧仝

送楊八給事赴常州

白居易

送喻處校書歸陽羨

姚合

送董正字常州觀省

姚合

贈常州院僧

姚合

題陸塘金沙洞居

張祐

題李濱山居玉潭

張祐

晚次荆溪呈崔明府

張祐

題常州水西館

張祐

題毘陵上人院

朱慶餘

送衛尉之延陵

喻鳧

夏日因懷陽羨舊遊寄裴書記

喻鳧

題洞靈觀冬青樹

許渾

寄毘陵徹公

賈島

送董正字常州觀省

賈島

同賦

馬戴

五瀉舟

五賦詩之一并序

皮日休

和五瀉舟

陸龜蒙

華頂杖

陸龜蒙

太湖硯

陸龜蒙

烏龍養和

陸龜蒙

訶陵櫓

陸龜蒙

送延陵張宰

陸龜蒙

讀惠山若水師集因題故院三首

李膺

送江陰霍明府之任

方干

泛太湖

方干

送張惟真少府之江陰

李中

靜林溪舍卽梁武隱所有鐘磬古物

釋靈一

送庠于秀才蘭陵覲省

釋皎然

送喻鳧及第歸陽羨

釋無可

送董進士常州覲省

釋無可

題慧山泉

釋若水

題震澤

宋錢昭度

吳航赴宜興簿

楊億

張公洞

胡宿

慶雲寺檜

胡宿

題飲光亭

胡宿

晨起馬上口占

胡宿

芳茂山

胡宿

浮石寺

胡宿

冬夕宿演教院

葛密

招丁元珍

王安石

輓王逢原

王安石

過湖

梅堯臣

渡太湖

蘇軾

遊惠山

蔣之奇

題通真觀

蔡肇

遊惠山二首

蔣之美

龜潭三首

孫覲

龜潭道中

孫覲

舟過湖汊泊丁山

孫覲

雨中泊蜀山見漁人自山半負樵入舟鼓棹而去

孫覲

罨畫連雨溪漲丈餘雨霽水落喜賦詩一首 孫覲

題黃山高氏東庵 李易

題山山前巡檢司都巡舍人 朱子

晚登子城 楊萬里

城上野步用輓轡體 楊萬里

朝飯罷登淨遠亭 楊萬里

送任虞卿教授江陰 陳傅良

碧雲塢 李維

惠山齋中聽雨 李祥

與蔣仲任惠山觀溪漲 袁植

秦太虛墓

張理

君山浮遠堂

王呈瑞

張公洞二首

岳珂

弔五牧

井序

文天祥

常州

文天祥

前湯普濟庵

陳炤

題洞虛觀

釋仲殊

儼松

釋道章

初到江陰寄徐路教仲祥二首

元曹伯啟

正覺寺晚歸贈益山長老

薩都刺

上金牛嶺

沈貞

遊惠山寺

張翥

五牧

張翥

七月之集慶次無錫宿立文館

張翥

君山登覽

貢師泰

和華彥清宿洞虛宮

陳方

題惠山寺

湯仲友

遊會仙巖

徐伯通

題通真觀

重出

陳鈞

送人之昆陵

陳鈞

遊惠山

陳邁

贈漏湖隱者

陳師曾

題夫椒山

金九齡

送人之毘陵

王侗

題惠山

倪瓚

題畫贈九成

倪瓚

遊善權洞

倪瓚

賦得機徵君荆南精舍圖

倪瓚

義興吳國良製墨求售賦詩促行

倪瓚

晚泊新安有懷鄭九成

顧瑛

山中春晚

王逢

得兒掖書

王逢

洞虛宮玩月

王逢

常州分省席上三首

王逢

常州江陰再失無錫告警病中自鴻山將遷海上以避之

王逢

梧溪有懷二首

王逢

申吳宋運巷重會前州牧

有引

王逢

登龍山頂

華幼武

聞諸弟爭田作詩以勸

華幼武

題雲林居

釋良琦

聞鄭國寶將軍修無錫城

明張憲

無錫道中

張以甯

夜投西神寺

高啟

寄惠山熙書記

高啟

惠山春申君廟

高啟

毘陵黃本中家次韻答陳秀才

徐賁

過倪雲林墓

韓奕

李丞相讀書堂

朱昇

雲海亭

朱昇

過劉伶宅

曾棨

潘韞輝東園

李戩

惠山

姚廣孝

寄題祥符寺

姚廣孝

惠山煮茶

王紱

寄包公愷

王紱

越歸過毘陵山寺有感

徐文光

題孟氏惠麓小隱

秦夔

遊惠山

秦夔

秦廷韶速遊惠山次韻

程敏政

宿毘陵驛

吳寬

遊善權洞

楊清

惠山寺和姚少師韻

邵寶

惠山十賢堂成有作

邵寶

金蓮池

邵寶

青山

邵寶

膠山萬玉亭

唐寅

送聲上人領劄住持天甯二首

唐貴

寄題高曾唯君山別業

李夢陽

遊惠山

秦金

遊橫山

徐問

秋夕懷江陰曹毅之

何景明

蠡湖

孫一元

黃埠墩

談一貫

遊顧山寺

劉光濟

避暑清暉軒

吳大禮

遊祥符寺

馬騭

題官長山堂李方伯

歐陽席

遊祥符寺

段金

遊神墩寺

唐珙

遊橫山王氏山莊

毛憲

與余民用潘時觀同遊惠山

楊璿

雨憩聽松閣

楊璿

遊祥符寺

吳仲

惠山寺與施子羽話別

華察

登橫山頂上覽州城

王慎中

書永慶寺

羅洪先

寓天甯寺戚可大兄弟同省

羅洪先

暮春遊南嶽四首

唐順之

同皇甫子循遊橫山二首

唐順之

題清溪莊贈顧副使洞陽

唐順之

過王九巖讀書圃

唐順之

題陳渡草堂

唐順之

贈王春巖朝京

唐順之

罷病歸訪王舍眞山人

唐順之

題永慶寺示諸友

唐順之

公安得應德村居詩酬贈四首

陳東

冬日寄唐應德因懷橫山之遊二首

皇甫汈

訪白室吳子于天得園

白悅

前湯庵

王立道

黃埠墩

陸師道

過白二職方

吳維嶽

毘陵與馮宜興雨集兼寄嘲徐子弼地宰

吳維嶽

毘陵送馮五汝言

吳維嶽

病起南行呈荆川尊師

吳維嶽

九日同董進士遊白氏園

吳維嶽

點易臺有感

王問

新霽訪施子羽洞虛道院

王問

與客夜登開利寺觀鷺亭

王問

清溪莊

王問

訪薛方山考功山中

茅坤

寓居吳寓庵園亭

洪朝選

開利寺觀鷺亭

尤瑛

送張虞部左遷常州別駕二首

王世貞

園居二首

吳可行

送周左軍同遊惠山寺

王穉登

保安寺

王穉登

浮澤廟

王穉登

同萬思行等過白光祿園值主人避喧別墅

唐鶴徵

次日復過憚園主人出歌佐酒盡歡而別

唐鶴徵

秋日過吳蓬萊園亭

唐鶴徵

水居

施策

讀書寶界山中二首

孫繼皋

雨際春申澗上觀泉

鄒迪光

寄暢園

鄒迪光

君山晚渡

冷宗元

蜀山書院

陳公懋

福延庵贈振延上人

顧允成

永慶寺竹院納涼

焦竑

黃園擘秀閣

董其昌

梁溪遇雪懷薛夏漪時有美人張聽雪在舟中彈琴

尹嘉賓

示兒

繆昌期

赴逮

李應昇

惠山寺

陸弼

惠山雜興

馬世奇

過聽松庵

顧協

石門

嚴紹宗

延陵季子祠送張守

釋宗泐

和王孟端送真人還惠山

釋廣益

送華重慶歸無錫

朝鮮國人

送陳椒峯舍人歸毘陵

國朝馮溥

感恩詩

吳遠

守歲南村

惲格

與吳子論詩夜立白雲渡

惲格

孤山遠眺二首

惲格

懷兄子野遊毘陵

朱綏

題二泉亭

曹禾

寄毘陵楊高士瑀

顧炎武

秋曉溪行二首

徐階鳳

宿毘廬院

徐翹鳳

除夕毘陵舟中作

劉元勳

宿秦園

潘耒

登惠山寺

王士禛

江陰何明府邀登君山二首

王士禛

鄧檢討招飲梅園

王士禛

梁溪西路曉發

王士禛

將抵毘陵先寄雲孫許士文友

王士禛

呂城雪霽一首

王士禛

春暮訪曹一應青墩別業

龔百藥

登惠山

彭定求

遊惠山

彭定求

錫山湖嘴夜泊

彭定求

夜泊毘陵懷孫衣月夫子

羅承祚

第二泉同計甫草賦

宋 犖

泊河橋

施閨章

送陳其年還陽羨

李良年

題陳椒峯畧圃

邵長蘅

常州道中紀事

查慎行

夜宿常州城外

查慎行

梁溪道中

查慎行

周處讀書臺

杜詔

東城春望

儲方慶

洛社村中散步

敖巘

艤舟亭

黃永

能仁寺感舊

鄭朝統

初夏南嶽山房遣興二首

曹亮武

午日晚晴白雲溪感舊

管心咸

雪晴晚往楊村泥淖難行中途小憩田家

管心咸

蘆花菱

管心咸

龍池

陳維岳

南嶽山行分韻

陳宗石

踏青灣卽事

陳履儼

雨過無錫

汪援甲

泊東湖雙橋

岳麓

禹門禪院

路邁

無錫縣

張暘

東皋竹圃

陳龍珠

藉塘橋卽景

陳龍珠

秋日借邢鴻達登君山訪慧海上人看池上木芙蓉

冬日小集蘆溪草堂和朱大米酒後野步之作

趙曦明

趙曦明

毘陵道中

趙昱

二泉亭試茗

翁照

發毘陵

董潮

題山中舊居

吳永和

闍秀

春郊雨霽

呂畹蘭

春夜同表姑丁景淵

左蒸人

同表姑夜坐

左蒸人

細草爲表姑丁景湘賦

左恭人

題獨孤使君湖上林亭

五言長律

唐

劉長卿

酬滁州李十六使君見贈

劉長卿

毘陵送鄒結先赴河南充判官

劉長卿

祭張公洞

皇甫冉

荆溪夜湍送蔣逸人歸義興山

皇甫冉

哭靈一上人

嚴維

獨孤常州北亭

張南史

題歷山司徒右長史祖宅

湛賁

寄揚工部聞毘陵舍弟自罨溪入茶山

姚合

投常州從兄中丞

張祐

題茶山

杜牧

常郡八邑藝文志卷十一

東里盧文弢纂定

武進莊翊昆新渠氏校補

陽湖莊毓鏗俊甫氏重校

五言律詩

送臨津房少府

唐楊炯

歧路三秋別江津萬里長烟霞駐征蓋絃奏促飛鷺階樹含斜日
池風泛早涼贈言未終竟流涕忽沾裳

送武進鄭明府

宋之問

弦歌試宰日城闕賞心違北謝蒼龍去南隨黃鶴飛夏雲海中出
吳山江上微叱謠豈云遠從此慶緇衣

秋夜宴臨津鄭明府宅

杜審言

行止皆無地，招尋獨有君。
酒中堪累月，身外即浮雲。
霜白宵鐘徹，風清曉漏聞。
坐攜餘興往，還似未離羣。

重九日宴江陰

杜審言

蟋蟀歸期晚，茱萸節候新。
降霜青女月，送酒白衣人。
高興要長壽，卑棲隔近臣。
龍沙卽此地，舊俗坐爲鄰。

和晉陵陸丞早春有懷

杜審言

獨有宦遊人，偏驚物候新。
雲霞出海曙，梅柳渡江春。
淑氣催黃鳥，晴光轉綠蘋。
忽聞歌古調，歸思欲沾巾。

送王汶宰江陰

張循之

郡北乘流去花間竟日行海魚朝滿市江鳥夜喧城讓酒非闕病
援琴不在聲應絲五斗米數日滯淵明

和常州崔使君寒食夜

孫逖

聞道清明近春闌向夕闌行遊畫不厭風物夜宜看斗柄更初轉
梅香暗裏殘無勞秉華燭晴月在南端

和常州崔使君咏後庭梅二首

孫逖

聞唱梅花落江南春意深更傳千里外來入越人吟弱幹紅妝倚
繁香翠羽尋庭中白公日歌舞向芳陰

梅院重門掩遙遙歌吹邊庭深人不見春至曲能傳花落彈棋處
香來薦枕前使君停五馬行樂此中偏

同詠樓前海石榴二首

孫逖

客自新亭郡朝來數物華
傳君伎樓好初落海榴花
露色珠簾映香風粉壁遮
更宜林下雨日晚逐行車

海上移珍木樓前詠所思
遙聞下車日正在落花時
舊綠香行蓋新紅酒步綦
從來寒不易終見久逾滋

送方外上人之常州依蕭使君

劉長卿

宰臣思得度鷗鳥戀爲羣
遠客回飛鋤空山臥白雲
夕陽孤艇去秋水兩溪分
歸共臨川史同翻貝葉文

秋夜肅公房喜普門上人自陽羨山至

劉長卿

山樓久不見林下偶同遊
早晚來香積何人住沃洲
寒禽驚後夜

古木帶高秋，卻入千峯去。孤雲不可留。

送陸羽之茅山寄李延陵

劉長卿

延陵衰草遍，有路問茅山。雞犬驅將去，烟霞擬不還。新家彭澤縣，舊國穆陵關。處處逃名姓，無名亦是閒。

送李摯赴延陵令

劉長卿

清風季子邑，想見下車時。向水彈琴靜，看山採菊遲。明君加印綬，廉使託惇嫠。且暮華陽洞，雲峯若有期。

晚春宴無錫蔡明府西亭

韋應物

茅簷閒寂寂，無事覺春和。非近時澆圃，城低不見河。興緣芳草積，情向遠峯多。別日歸吳地，停橈更一過。

奉送從兄宰晉陵

韋應物

東郊春草歇千里夏雲生立馬愁將夕看山獨送行
依微吳苑樹迢遞晉陵城慰此斷行別邑人多頌聲

仲夏江陰官舍寄裴明府

李嘉祐

萬室邊江次孤城對海安朝霞晴作雨溼氣晚生寒
苔色侵衣桁潮痕上井欄題詩招茂宰思爾欲辭官

寄毘陵徹公

李嘉祐

身依吳寺老黃葉幾回看早講林霜在孤禪隙月殘
井通潮浪遠鐘與角聲寒已有南遊約誰言禮謁難

常州韋郎中汎舟見餞

李嘉祐

主人馮軾貴送客汎舟稀
過岸隨芳草回橈背落暉
映花雙節駐臨水伯勞飛
醉與羣公狎春塘露晷歸

留別毘陵諸公

李嘉祐

久作涑陽令丹墀忽再還
淒涼辭澤國離亂別鄉山
北固湖聲滿南徐草色閒
知心從此別相憶鬢毛斑

自常州還江陰道中

李嘉祐

處處空籬落江村不忍看
無人花色慘多雨鳥聲寒
黃霸初臨郡陶潛未罷官
乘春務征伐誰肯問凋殘

送王汝宰江陰

重出

包何

郡北乘流去花間竟日行
海魚湖滿市江鳥夜喧城
止酒非關病

援琴不在聲應絲米五斗數日滯淵明

送陸羽歸慧山

皇甫曾

千峯待逋客香茗復叢生採摘知深處烟霞羨獨行幽期山寺遠
野飯石泉清寂寂然燈下相思磬一聲

送普上人還陽羨

皇甫曾

花宮難久別道者憶千燈殘雪入林路暮山歸寺僧日光依嫩草
泉響滴春冰何用求方便看心是一乘

歸陽羨兼送劉八

皇甫冉

湖上歸帆別江南謫宦歸前程行更遠臨水淚沾衣雲夢春生遍
瀟湘客過稀武陵招我隱歲晚向柴扉

送延陵陳法師赴上元

皇甫冉

延陵初罷講，建業去隨緣。
翻譯推多學，壇場最少年。
浣衣逢野水，乞食向人烟。
遍禮南朝寺，焚香古像前。

西陵寄靈一上人

皇甫冉

西陵遇風處，自古是通津。
終日空江上，雲山若待人。
汀洲寒事早，魚鳥興情新。
迴望山陰路，中心有所親。

與諸公同登無錫北樓

皇甫冉

秋興因危堞，歸心過遠山。
風霜征鴈早，江海旅人閒。
驛樹寒仍密，漁舟晚自還。
仲宣何所賦，祇歎在荆蠻。

洞靈觀

皇甫冉

孤煙靈洞遠積雪暮山寒松柏淩高殿莓苔封古壇客來清夜久
仙去白雲殘玩月開金籙焚香入木蘭

送陸潛夫延陵尋友

皇甫冉

登山自補屐訪友不齋糧坐歇青松晚行吟白日長人煙隔水見
草氣入林香誰作招尋侶清齋宿紫陽

送武進韋明府

錢起

理邑想無事鳴琴不下堂井田通楚越津市半漁商虛橋垂殘雨
紅蓮折早霜送君催白首歸路獨思鄉

送外甥范勉赴任常州長史兼覲省

錢起

憐君展驥去能解倚門愁就養仍榮祿還鄉卽畫遊橋花低客舍

尊榮繞歸舟與報垂綸叟知吾世網雷

蕭文學山池宴

獨孤及

植粲千畝綠知是辟疆園遠岫當庭戶
諸花覆水源主人邀盡醉
林鳥助狂言莫問愁多少今皆付酒樽

得李滁州書以玉潭莊見託因書春思以詩代答

獨孤及

春物行將老懷君意詎堪朱顏因酒強
白髮對花慚日日思瓊樹
書書話玉潭知同百口累曷日辦抽簪

送韓司直路出延陵

郎士元

遊吳還適越來往任風波復送王孫去
其如春草何岸明殘雪在

潮滿夕陽多季子留遺廟停舟試一過

赴無錫寄別靈一淨虛二上人還雲門所居 郎士元

高僧本姓竺開士舊名林一入春山裏千峯不可尋
新年芳草徧 度日白雲深
欲問徵官去懸知訝此心

荆溪館呈邱義興

嚴維

失路荆溪上 依人忽暝投
長橋今夜月陽羨古時州
野燒明山郭 寒更出縣樓
先生能館我無事五湖遊

一公新泉

嚴維

山下新泉出泠泠
比法源落池纔有響
噴石未成痕獨映孤松色
殊分眾鳥喧唯當清夜月
觀此定禪門

常州留別

耿韋

萬里南天外，求書禹穴間。
往來成白首，旦暮見青山。
夜浦涼雲過，秋塘好日閒。
殷勤陽羨桂，別此幾時攀。

雨中宿義興寺

耿韋

遙夜宿東林，蟲聲階草深。
高風初落葉，多雨未歸心。
家國身猶負，星霜鬢已侵。
滄州縱不去，何處有知音。

故祕監丹陽郡延陵包公挽歌詞

竇常

卓絕明時第，孤貞貴後貧。
邾詵爲冑子，季札是鄉人。
筆下調金石，花間領縉紳。
那堪歸葬日，哭渡柳楊津。

前題

竇牟

台鼎嘗虛位，夔龍莫致堯。德音冥祕府，風韻散清朝。天上文星落，林端玉樹凋。有吳君子墓，返葬故山遙。

題橫山寺

戴叔倫

偶入橫山寺，湖山景最幽。露涵松翠溼，風湧浪花浮。老衲供茶碗，斜陽送客舟。自緣歸思促，不得更遲留。

送李長史縱之任常州

戴叔倫

不與名利隔，且爲江漢遊。吳山本佳麗，謝客舊淹留。峽道通陵口，貧家住蔣州。思歸復怨別，寥落詎關秋。

送李縱別駕加員外郎却赴常州幕

盧綸

霄漢正聯飛，江湖又獨歸。暫歡同賜被，不待易朝衣。山雨迎軍晚

蘆風候火微還當宴鈴閣謝守亦光輝

送元昱尉義興

盧綸

欲成雲海別一夜夢天涯白浪綠江雨青山繞縣花風標當劇部
冠帶稱儒家去矣謝親愛知予髮已華

喜入蘭陵望紫閣峯呈宣上人

李益

薙草開三徑巢林共一枝地寬畱種竹泉淺欲開池紫閣當疏牖
春松入壞籬從今安僻陋蕭相是吾師

送義興元少府

李端

逢君惠連弟初命更光輝已得羣公祖終妨太傅譏路長人反顧
草斷鷺回飛本是江南客還同衣錦歸

送別駕赴晉陵卽舍人叔之兄

李端

諸宗稱叔父從子亦光輝
謝朓中書直王祥別乘歸
江帆衝雨上海樹隔潮微
南阮貧無酒唯將淚溼衣

西陵懷靈一上人兼寄朱放

張南史

淮海風濤起江關憂思長
同悲鵲遶樹獨坐鴈隨陽
山晚雲藏雪汀寒月照霜
山來濯纓處漁父愛滄浪

送惟詳律師自越之義興

崔子向

陽羨諸峯頂何曾異剡山
雨晴人到寺木落夜開關
縫衲紗燈亮看心錫杖閒
西方知有社未得與師還

周平西墓

權德輿

英威今寂寞陳迹對崇邱壯志清風在荒墳白日愁窮泉那復曉
喬木不知秋歲歲寒塘側無人水自流

送三十叔赴任晉陵

權德輿

春雲結暮陰侍坐捧離襟黃綬輕裝去青門芳草深十年塵右職
三逕寄遐心便道停橈處應過舊竹林

送從弟謁員外叔父回歸義興

權德輿

異鄉兄弟少見爾自依然來酌林中酒去耕湖上田何朝逢暑雨
幾夜泊魚烟餘力當勤學成名貴少年

常州孟諫議座上聞韓員外職方貶國子博士有感

五首
錄一

盧仝

忽見除書到韓君文學官死生從有命人事始知難烈火先燒玉
庭無不養蘭山夫與刺史相對兩噴哢

送楊八給事赴常州

白居易

無嗟別青瑣且喜擁朱輪五十得三品百千無一人須勤念黎庶
莫苦憶交親此外無過醉毘陵何限春

送喻臯校書歸陽羨

姚合

主人庭葉黑詩藁更誰書闕下科名出鄉中賦籍除山春煙樹眾
江晚遠帆疎吾亦家吳者無因到敝廬

送董正字常州覲省

姚合

路歧知不盡離別自無窮行客心方切主人樽未空楚檣收月下

江樹在潮中人各還家去還家慶不同

贈常州院僧

姚合

一住毘陵寺僧應祇信緣院貧人施食窗靜鳥窺禪古磬聲難盡
秋燈色更鮮仍聞開講日湖上少魚船

題陸壩金沙洞居

張祐

東溪泉一眼歸臥愜高疎決水金沙靜梯雲石壁虛細吟搔短髮
深話笑長裾莫道遺名品常聞入洛初

題李濱山居玉潭

張祐

古樹千年色蒼崖百尺陰髮寒泉氣靜神駭玉光沈上冗青冥小
中連碧海深何當煙月下一聽夜龍吟

晚次荆溪呈崔明府

張祐

艤舟陽羨館飛步繞疎楹山暝水雲碧月涼煙樹清長橋深夜影
遠槽下溪聲況是無三害絃歌初政成

題常州水西館

張祐

隰地叢筠植修廊列堵環樓臺疎占水岡岸遠成山盡日草深映
無風舟自閒踟當飲芳夕一泛芰荷間

題毘陵上人院

朱慶餘

院深終日靜落葉覆秋蟲盥漱新齋後修行未老中映松山色遠
隔水磬聲通此處宜清夜高吟永與同

送衛尉之延陵

喻覺

草木正花時交親觸雨辭一官之任遠盡室出城遲乳滴茅君洞
鴉鳴季子祠想知佐理暇日有咏懷詩

夏日因懷陽羨舊遊寄裴書記

喻鳧

落日太湖西波涵萬象低藕花熏浦澈菱蔓匿鳧鷖樹及長橋盡
灘迴七里迷還應坐疇暇時一夢荆溪

題洞靈觀冬青樹

許渾

霜霰不凋色兩株交石壇未秋紅實淺經夏綠陰寒露重蟬鳴急
風多鳥宿難何如西禁柳晴舞玉蘭干

寄毘陵微公

賈島

賓佐兼歸覲此行江海心別離從闕下道路向山陰孤嶼消寒沫

空城滴夜霖若邪溪畔寺秋色共誰尋

送董正字常州覲省

賈島

相逐一行鴻何時出磧中江流翻白浪木葉落青楓輕楫浮吳國
繁霜下楚空春來歡侍阻正字在東宮

同賦

馬戴

去覲毘陵日秋殘建業中莎垂石城古山闊海門空灌木寒檣遠
層波皎月同何當復警校春集少陽宮

五賦詩

并序

皮日休

毘陵處士魏君不琢氣真而志放居毘陵凡二紀閉門窮學是
乎里民不得以師之非乎里民不得以訾之用之不難進利之

被人也捨之不難退辱非及已也噫古君子處乎進退兩全者
繇此道乎抑夷之隘惠之不恭不能造於是也江南秋風時鱸
肥而難釣菰脆而易挽不過乘短舫載一甌酒加以隱具繇五
瀉涇入震澤穿松陵抵杭越耳日休嘗聞道於不琢敢不求雅
物成雅思乎於是買釣船一修二丈闊三尺施蓬以庇烟雨謂
之五瀉舟天台杖一色黯而力適謂之華頂杖有龜頭山疊石
硯一高不二寸其仞數百謂之太湖硯有桐廬養和一怪形拳
跼坐若變去謂之烏龍養和有南海鯨魚殼樽一澀鋒鬻角內
名外黃謂之訶陵樽皆寄於不琢行以資雲水之興止以益琴
籍之玩真古人之雅既也因思乘章之義不過於詞遂爲五篇

目之曰五貺兼請魯望同作

今錄其一

五瀉舟

何事有青錢因人買釣船
闊容兼餌坐深許共蓑眠
短好隨朱鷺輕堪倚白蓮
自知無用處却寄五湖仙

和五瀉舟

陸龜蒙

樣自桐川得詞因隱地成好
漁翁亦喜新白鳥還驚沙際擁
江沫渡頭橫雨聲尙應嫌越相
遺禍不遺名

華頂杖

陸龜蒙

萬古陰崖雪靈根不爲枯瘦於
雙鶴脰奇似黑龍鬚拄訪談名客
持看潑墨圖湖雲如有路兼可到仙都

太湖硯

陸龜蒙

誰截小秋灘，閒窺四緒寬。
繞爲千嶂遠，深置一潭寒。
坐久雲應出，詩成墨未乾。
不知新博物，何處擬重刊。

烏龍養和

陸龜蒙

養和名字好，偏寄道情深。
所以親逋客，兼能助五禽。
倚肩滄海望，鉤膝白雲吟。
不是逍遙侶，誰知世外心。

訶陵樽

陸龜蒙

魚幣匠成樽，猶殘海浪痕。
外堪欺琥珀，中可酌崑崙。
水繞苔磯曲，山當草閣門。
此中醒復醉，何必問乾坤。

送延陵張宰

陸龜蒙

卷之二
六一
春盡未離關之官亦似閒不嫌支薄俸爲喜帶名山默禱三真後
高吟十字還祇應江上鳥時下訟庭間

讀慧山若冰師集因題故院三首

李膺

五天何處望心念起皆知化塔畱今日泉鳴自昔時古苔生石靜
秋草滿山悲莫道聲容遠長歌白雪詞

高懷逢異境佳句想吟頻月冷松溪夜煙濃草寺春浮雲將世遠
清聽與名新不見開巖日空爲拜影人

景物搜求歇山雲放縱飛樹寒煙鶴去池靜水龍歸暗榻塵飄滿
陰簷月到稀何年燈燄盡風動影堂扉

送江陰霍明府之任

方干

遙遙去舸新侵郭，葦葉蘋樹列巢灘。
鶴鄉多釣浦，人虹分陽羨。雨浪隔廣陵，春知竟三年。
秋琴書外是貧。

泛太湖

方干

長天接廣澤，二氣共含秋。舉目無平地，何心戀直鉤。
孤鐘鳴大岸，片月落中流。去憶鴟夷子，當時此泛舟。

送張惟真少府之江陰

李中

相送煙河畔，酒闌登小舟。離京梅雨歇，到邑早蟬秋。
俗必期匡濟，詩誰互唱酬。晚涼諸吏散，海月入虛樓。

靜林溪舍卽梁武隱所有鐘磬竝古物

釋靈一

靜林溪路遠，蕭帝有遺蹤。水擊羅浮磬，山鳴闕鐘燈。
傳三際火。

樹老萬株松無復雲霞色空聞昔臥龍

送溥于秀才蘭陵覲省

釋皎然

歡言欲忘別風信忽相驚柳浦歸人思蘭陵春草生
擷芳心未及視枕戀常盈此去非叢路還如千里情

送喻晷及第歸陽羨

釋無可

姓字載科名無過子最榮宗中初及第江上覲難兄
月向波濤沒茶連洞壑生石橋高思在且爲看東院

送董進士常州覲省

釋無可

暫離讐校館未發見新鴻路入江波上人歸楚邑東
山遙晴出樹野極暮連空何以念兄弟應思潔膳同

題慧山泉

釋若水

石脈綻寒光松根噴曉涼
注餅雲母滑漱齒茯苓香
野客偷煎茗山僧借淨牀
安禪何所問孤月在中央

題震澤

宋錢昭度

平生愛具區島嶼夾波湖
竹雨籠鷓鴣花烟溼鷓鴣
神仙疑有宅魚鼈自爲都
何事勞長想機雲本在吳

吳航赴宜興簿

楊億

家住武夷峯眉間道氣濃
風塵久爲客雷火近成龍
試吏江城僻甯親嶺路重
一塵期沒齒樂土定相容

子素有陽羨退居之志
會當占數於樂郊也

張公洞

胡宿

一室是仙鄉，深巖石燕翔。隔雲青瑟轉，拂水紫芝香。滴露驚神冷，靈襟徹頂涼。浮雲應不遠，衣袂好相將。

慶雲寺檜

胡宿

寶坊金布地，嘉木此含榮。吳帝留青蓋，湘神駐翠旌。月移香砌冷，風入夜琴清。若此東陽樹，婆娑意未平。

題飲光亭

胡宿

居易能藏氣，探幽復治亭。泉華聊自挹，湖響與誰聽。圓檜行依蓋，前峯坐對屏。一瓢吾道在，涼月此忘形。

晨起馬上口占

胡宿

馬過津橋外，城臨金斗傍。早霜濃著瓦，落月半銜牆。暗水澄寒底，

初霞漏曉光疎鐘林下寺煙景正蒼涼

芳茂山

胡宿

此地橫青嶂當年聳紫氛碧花巖下柰玉葉嶺邊雲寶勢三神秀
靈風百草薰將軍精爽在可解物移文

浮石寺

胡宿

溪碧照浮航仁祠紫界牆
牕扉街遠色樹石納餘涼
升講林花落拋生水鳥翔
逢僧談止觀數刻盡生香

冬夕宿演教院

葛密

撼撼嚴風夕煙寒蕙炷清燈生花裏
燄雨作雪時聲旅夢回殘角
吟懷繞廢城寂然羣動息吾亦世紛平

招丁元珍

王安石

默默不自得紛紛何所爲
畫墁聊取食獵較久隨時秋
入江湖暗風生草樹悲黃
花一杯酒思與故人持

挽王逢原

王安石

萬里地何在死生從此分
漫傳仙掌籍誰見鬼修文
蔡爰能傳業侯芭爲起墳
傷心北風裏吹淚溼江雲

過湖

梅堯臣

東吳臨海若看月上青冥
河漢微分練星辰澹布螢
細煙沈遠水重露裊空庭
孤坐饒清興惟將影對形

渡太湖

蘇軾

八月波長湖蕭條景物疎西風片帆急暮靄一山孤許國心猶在
匡時術已虛岷峨家萬里投老得歸無

遊惠山

蔣之奇

還家豈不樂生事未應閒朝日已復去征鞍方更攀傷心百道水
閱目萬重山何以忘羈旅脩脩醉夢間

題通真觀

蔡肇

萬木鎖幽寂牕虛夜氣清松風醒酒病蕉雨應棋聲老子來分榻
山人勸避名避名何處去煙浪五湖生

遊惠山二首

蔣之美

絕頂疑天設重門一徑深泉清千古意松老百年心高閣窺平陸

危亭倚翠岑勝游方自適猶恐日西沈
九隴分形怪蒼龍據厚坤洞寒清水脈石潤養雲根探遠塵應斷
窮高斗可捫江湖倦行者對此欲忘言

龜潭三首

孫覲

稚竹緣崖瘦蒼藤翳樹昏野花渾少態谷鳥自忘言獨曳烟中策
來傾月下尊樂哉無與共幽興在桑門

蝸舍三間小龜泉一勺甘楞巖渾不看彌勒久同龕潭影千峯倒
雲梢萬木參巖花自無主紅雨落氍毹

擺落禁緣斷驅除穢塊平庭松敵老健潭水伴孤清待月出時看
尋雲起處行相隨木上坐徒倚到參橫

龜潭道中

孫覲

沙淨溪行好煙消野望新
數峯山戴雪一曲塢藏春
魚逐波同伴禽藏葉底身
柳邊春信動眉目已津津

舟過湖湫泊丁山二首

孫覲

雞犬三家市蓬蒿一畝宮
蘿牽籬幕翠籜墮砌堆紅
宿鳥來還去微泉咽復通
幽尋殊未已落日滿疎桐

日下殘紅斂烟升積翠重
鷗輕沒浩蕩魚樂自從容
野饁迎秋穫鄰謳相夜春
田翁有真意一笑酒中逢

雨中泊蜀山見漁人自山半負樵入舟鼓棹而去

孫覲

一嶂橫青靄，千漚起碧潄。行穿山半腹，坐占水中心。踞雨松蹊滑，衝烟蓼嶼深。時來有登涉，應不繫升沈。

霰晝連雨溪漲丈餘雨霽水落喜而賦詩二首

孫覲

編棧沿村徑，囊沙壅市門。蒼鱗封老幹，黃耳上陳根。屋破容身窄，天低望眼昏。谿邊高樹杪，猶有繫舟痕。

月挂樓鐘曉，風生島樹秋。林疎山獻狀，池漫水分流。鶻喜時窺牖，鷗馴亦並舟。一聲何處笛，莫遣碧雲留。

題黃山高氏東菴

李易

來赴東菴約，從容結勝遊。停驂望空闊，載酒轉深幽。隱吏逢梅福，

詩僧得惠休山應笑吾黨不爲白雲留

贈石山前巡檢司都巡舍人

朱熹

古寨依山麓頽垣近水湄有兵耕綠野無盜弄潢池歲稔村村樂
官閒事事宜我來無所餽聊遺一聯詩

晚登子城

楊萬里

鞋響秋霜後襟喧野日初寒溪半灣落遠樹一行踈老矣端何苦
歸哉不願餘終更猶半歲作麼度居諸

城上野步用轆轤體

楊萬里

初勁無遺暖晴行失老懷葉飛楓骨立萍盡沼隘開路好仍回首
泥殘敢放鞋登臨不須盡畱眼要重來

朝飯罷登淨遠亭

楊萬里

近水孤亭迥縈城一逕斜
霜林烏鵲國冰岸鶯鶯家
殊覺冬曦暖還拈小扇遮
傳呼惠山水來淪建溪茶

送任虞卿教授江陰

陳傅良

學省穿楊末江城振羽端
聲名人不忌仕宦意常寬
缺月天將曙孤村歲已寒
小舟來話別此道少人敦

碧雲塢

李維

坐久三峯晚望中疑碧雲
不應談世事自是出塵氛
嘉木層層見秋聲處處聞
佳人端可待風景欲平分

惠山齋中聽雨

李祥

雲冷銀蟾遯香寒寶篆遲輕雷新破夢好雨故知時池荇陰抽帶
山茶暗展旗空堦聞夜響楚客起題詩

與蔣仲任惠山觀溪漲

袁植

煙曳平川上雲屯翠嶺頭雨淫成大浸堤潰失安流地入三吳窄
山餘九隴浮不應昏墊後始用濟川舟

秦太虛墓

張理

九峯朝暮雲搖落少游墳野蔓碑全沒晴菴磬亦聞洞偏泉路細
松折鶴巢分高視太湖近雲濤鷗起羣

君山浮遠堂

王呈瑞

萬室東南裏炊烟落照黃山腰圍野闊沙尾刺江長好景終然遠

浮雲轉已亡幾多如湛輩今昔一淒涼

張公洞二首

岳珂

祚紀千齡運名標一代仙鶴名應徙地蝠化已先天風洞疑無底
丹爐信有緣祇應巖下奕爲我一趺然

驢跡驚初踐麕盤若有靈石檣通便戶金鑰鎖殊庭滴乳看成像
登臺仍刻銘更憐國山字真欲比云亭

弔五牧

并序

文天祥

予初以朝廷遣張全將淮兵二千救常州以其爲淮將必經歷
老成遂遣朱華將三千人從之張全無統馭之材自爲畦町十
月二十六日提淮軍自往橫林設伏虜橋北兵至麻士龍死之

張全不救走回五木五木乃朱華軍所駐如掘溝壑設鹿角張全皆不許朱華措置殊不曉其意二十七日北兵薄朱華自辰至未朱華與廣軍與之對北兵自路塘直來死於水者不可勝計至晚北兵繞山後薄贛軍尹玉當之曾全胡遇謝雲曾玉先遁走尹玉死焉張全提軍隔岸不發一矢有利災樂禍之心吾軍渡水挽張全軍船張全令諸軍斷挽船者之指於是溺死者甚眾張全并宵遁惟尹玉殘軍五百人與北兵角一夕殺北兵及馬委積田間質明止有四人得歸今易崇尙存嗚呼使此戰張全稍施援手可以大勝捷一夫無意而事遂闕宗社嗚呼天哉初余欲先斬張全然後取一時敗將並從軍法以張全爲朝

廷所遣請於都督乃宥張全使自贖予遂不及行法後詣餘杭發京師姑取曾全以徇眾而噬臍多矣過五木弔戰場爲之流涕不可禦續聞張全者淮東之僨將也昨隨許文德復清河兵已入城張全鳴金散眾許不敢以斬將自專解赴制閫李公以使過期之得不死予不知受其誤其免罪又出於第二次僥倖卒爲降北可歎恨云

首赴勤王役成功事則天富平名委地好水淚成川我作招魂想誰爲掩骼緣中興須再舉寄語慰重泉

常州 并引

文天祥

常州宋睢陽郡也北兵逼其堅守殺戮無遺種死者皆忠義之

鬼哀哉

山河千里在烟火一家無壯甚睢陽守寃哉馬邑屠蒼天如可問
赤子果何辜脣齒提封舊撫膺三款吁

前湯普濟菴

陳 炤

一尖龍舌地蘭若此中開曲徑深依竹荒池淺鑿苔要令溪水接
莫礙野雲來只恐菴居興難淹出世才

題洞虛觀

釋仲殊

古觀多松檜幽奇近暮秋坐看新月上閃見斷雲愁野思同花鳥
鄉情隔島洲輕寒披鶴氅隱几白搔頭

偃松

在聽松軒

釋道章

得地久蟠踞參天多晦冥月通深夜白雪壓歲寒青獨擁虬腰大
疑聞雨甲腥深根動坤軸蕭瑟挂疎星

初到江陰寄徐路教仲祥三首

元
曹伯啟

自古江南地澄江小翠微訟清衙散早路僻客來稀季子高風在
春申故宅非晚涼無一事攜酒坐苔磯

自古江南地林泉勝概多扁舟波激豔羸馬路陂陀戎服人爭笑
吳鄉語漸譌茲遊諒奇絕柰得倚門何

自古江南地民安樂最深稻畦雲漠漠松峴秀森森鷺鴨喧池水
雞豚憩竹林小舟維古岸銷我利名心

正覺寺晚歸贈益山長老

薩天錫

粥魚聲已罷日暮掩柴扉送客月在地出山雲滿衣燈明聞犬吠
松暗見螢飛深夜長廊靜多應獨自歸

上金牛嶺

沈貞

一上金牛嶺令人野興多尋詩旋澗谷採藥挽藤蘿振臂風醒酒
搖頭鳥和歌煙中起長嘯塵世欲如何

遊惠山寺

張翥

到寺日已夕鐘梵滿中林倚厓佛殿古出雲泉水深談詩禪榻上
煮茗澗松陰況值冬邱侶悠然諧素心

五牧

張翥

苦戰勤王事精魂泣鬼雄壞城兵氣黑遺鏃血花紅故老談亡國

明時錄死忠長吟一搔首落日鳥呼風

七月之集慶次無錫宿多文館

張翥

海月光芒溼川雲意緒閒剛風浮地外元氣滿人間野榜歌相答
漁燈去不還電明知有雨只在九龍山

君山登覽

貢師泰

孤嶂臨滄海千山湧大江遠帆歸市獨高塔倒波雙鷗鷺爭洲激
蛟龍怒石在壯遊心未已飛雨灑船牕

和華彥清宿洞虛宮

陳方

真館時時到仙花樹樹幽西風寒入竹北斗夜當樓頗覺乾坤異
甯爲歲月憂乞分節竹好相伴赤松遊

題惠山寺

湯仲友

梁溪停短櫂帶月步西關路盡忽逢寺松多不見山巖腰雲殿古
洞口石泉閒到此正吟苦秋聲滿樹間

遊會仙巖

徐伯通

溪水碧溶溶東南聳眾峯斷崖蒼薜合深塢白雲封幻世真堪厭
仙蹤不易逢何年傍西崦結搆遂疎慵

題通真觀

重出

陳鈞

萬木鎖幽寂窗虛夜氣清松風醒酒病蕉雨聽棋聲老子來分榻
山人勸避名避名何處去烟浪五湖程

送人之毘陵

陳鈞

久客驚霜鬢還家遂夙心斗城春樹合劍井落花深賀老能吳語
莊生變越吟青山多落景爲我試登臨

遊惠山

陳邁

空山微雨後嗟鳥早春時雲氣侵衣潤泉聲出寺遲清茶方破夢
新酒復催詩了却公家事重來再與期

贈涵湖隱者

陳師魯

延陵隱君子居傍五湖濱日似忘機鳥時收墜網鱗悠然遺世故
樂矣見天真我亦耽幽趣於焉願卜鄰

題大椒山

金九齡

平望而湖山出巒隱約問遠中堪眺望險處好躋攀障霧開仍合

沙鷗去復還何時戒舟楫攜酒遍諸灣

送人之毘陵

王偁

興盡一杯酒相看欲別時孤帆乘吹發一鴈渡江遲千古蘭陵令
秋風季子祠勝遊多慷慨爲爾寄遐思

題惠山

倪瓚

重過湛公宅因嘗陸子泉佛香松葉裏僧飯石巖前市駿誰憐馬
荒池憶種蓮清心有妙契塵事久終捐

題畫贈九成

倪瓚

至正十二年三月八日冒風雨過九成荆溪舟中劉德方郎官
方舟煙渚畱宿談詩明日快晴移舟綠水岸下相與嘯咏仰睇

南山遙瞻飛雲夾岸桃柳相廁如散綺霞掇芳芹而薦潔瀉山
瓢而樂志九成出片紙命畫眼前景物紙惡筆凡固欲騁其逸
思大乏騏驥康莊也歐陽公每云筆視精良人生一樂書畫同
理余亦云焉時舟中章鍊師岳隱者對奕吳先生吹洞簫

故人鄧掾史邀我宿溪船把酒風雨至論詩煙渚前晨興就清盥
思逸愛春天復遇武陵守共尋花滿川

遊善權洞

倪瓚

來窺善權洞一上李公樓水珮巖前引雲旌松際浮然鐙長不夜
垂釣只虛舟欲讀吳朝刻眞成冒雪遊

賦德機徵君荆南精舍圖

倪瓚

結廬溪水南勝事足幽探夏果落山雨春衣染夕嵐石欹招鶴磴
門俛射蛟潭日日縈歸夢蕭條雪滿簪

義興吳國良用桐煙製墨黑而有光膠法又得其傳將遊吳
中以求售輒賦詩以速其行云

倪瓚

生住荆溪上桐花收夕煙墨成羣玉祕囊售百金傳孰謂奚珪勝
徒稱潘谷仙老松端媿汝桐法更清妍

晚泊新安有懷鄭九成

顧瑛

夜泊新安驛西風八月天人家溪樹裏晚飯柁樓前水落星移石
雲開月墮船遙思佩韋者癡坐不成眠

山中春晚

王逢

山空行跡少地迴落花多草長迷香浦松高掛女羅林深猿鳥下
徑靜鹿麋過春事今云暮其如懷抱何

得兒掖書時戊申歲

王逢

客夢躬耕隴兒書報過家月明山怨鶴天暗道橫蛇寶氣空遺水
春程不見花衰容愧耆舊猶語五人車

洞虛宮玩月

王逢

獨立鬢蕭騷天風吹綺袍石林秋後薄香殿月中高句落丹山鳳
神游蒼海鼇仙人渺何所靈響度雲璈

常州分省席上二首

王逢

玉帳虎文茵弓旌左右陳鸞刀飛鬪炙龍勺盪浮春舞困珠璣脫

歌深翠黛翠心存大臣體授簡屬嘉賓

兵戈時事改貧賤道心同泥飲悲長夜高歌憶大風龍銜劍花白
鳳遠燭蓮紅猶得斯須問賓僚語卽戎

常州江陰再失無錫告警病中自鴻山將遷海上

王逢

病就山中隱烽催海上舟連城新鬼哭深壁大臣羞赤管躔金火
炎風汗馬牛遙占女兄弟先已下長洲

梧溪有懷二首

王逢

薄雲天欲晚微雨水先涼燕子交飛處梧花滿樹香懷人路非永
對酒世相忘不怪衣裳溼中宵延露光

虛館涼氣集方池白水生幽花含晚豔嘉木有餘清酒綠尊中瀉
琴絲膝上橫疎簾暎微雨益起故人情

中吳采蓮巷重會前州牧

有引

王逢

州牧西域人氏江陰達魯花赤也比任屬城破聽調無錫軍中
無錫亦破被繫九月予偶聞言於今左丞王晟釋焉且自具人
船餼飲送其還牧德予以奴奴於予爲謝予辭不受至是重會
徵詩

故侯囚楚日子客亂兵間片舌非圖報長須遂却還荒烟深井白
大雪幾闌山偶會愁長別吟鞍荷再攀

登龍山頂

華幼武

雨洗春泥輓山高興轉孤振衣凌絕頂拊掌望平湖塵霧遙迷楚
烟花直過吳乾坤萬里闊不泣阮生塗

聞諸弟爭田作詩以勸

華幼武

吾族凋零久亂離餘幾人不才真可棄於誼固須親煮豆情何切
搗身苦自噴最哉千古意天地尙迴春

題雲林居

釋良琦

每憶雲林子隱居清且閒褰裳採芝秀倚杖看秋山微雪松陰暝
青苔石上斑韓康偏有意時復到柴關

聞鄭國寶將軍修無錫城

明張憲

匹馬拒毘陵重圍百雉城金湯從地湧壁壘亘天橫風勁彫弓急

霜寒畫角清將軍正閒暇高枕亞夫營

無錫道中

張以甯

疊橋隨港直聯木護堤偏村落皆通水人家牛繫船橋花香曙露
楊葉澹寒烟中土何寥廓黃沙人種田

夜投西神寺

高啟

江月上秋衣來敲遠寺扉棲禽驚客至睡僕訝僧歸鐘度行廊盡
燈畱浴院微非無招旅館禪定欲相依

寄惠山熙書記

高啟

禪居紫閣陰欲去問安心野岸隨流曲山門隱樹深千燈然雨塔
一磬出風林想見跏趺處雲深不可尋

惠山春申君廟

高啟

封吳開巨壑相楚服強鄰名重三公子謀疎一婦人畫幃留古像
珠履絕遺塵簫鼓時迎祭遠憐舊邑民

毘陵黃本中家次韻答陳秀才

徐賁

相逢坐上客俱是此鄉人重見兵前面能全竄後身月遲疑夜短
風乍覺寒新爲訴窮途事都忘語後頻

過倪雲林墓

韓奕

一壠與田平青青麥生耕犁他日慮掛劍故人情書畫名空在
山林夢亦清不堪寒食節落日杜鵑聲

李丞相讀書臺

朱昇

有和入邑卷之三十一
十一
五
昔賢曾習靜爲客借僧堂聽法過苔徑攤書據石牀佛燈然雨暗
僧飯煮泉香雖自紆朱組幽期豈暫忘

雲海亭

朱昇

高亭臨巨浸烟浪接青霄勢控夫差國雄吞伍相潮鷗隨心共遠
雲逐恨俱消舊日滄浪伴扁舟許見招

過劉伶宅

曾棨

舊宅無人住荒墟有路歧一生渾是醉萬古復何悲白髮銜杯處
青山倚鋤時最憐獨醒者高冢亦纍纍

潘韞輝東園

李戮

爲愛東園好春來事事宜藥名人不識花信蝶先知晉帖臨青李

商誦詠紫芝小車乘輿往何必訂幽期

惠山

姚廣孝

官路經無錫尋源旅抱開爲憐僧獨迂因喜客同來晴鳥臨溪語
秋花夾澗栽盤桓須盡興隨處有茶杯

寄題祥符寺

姚廣孝

禪宮塵事遠苔徑入林幽嵐氣千峯曉湖光萬頃秋巢松知鶴困
題石想仙遊便欲來亭上長吟對白鷗

惠山煮茶

王紱

寒齋夜不眠淪茗坐壚邊伏火煨山栗敲冰汲澗泉瓦鎔翻白雪
竹牖出青烟一啜風生腋俄驚骨已仙

奇包公愷

王紱

愛爾閒情好林堂白晝長
楷書臨小晉近體學中唐
水時一池芟園栽十畝桑
不知籬下菊秋後肯分香

越歸過毗陵山寺有感

徐文光

偶訊山中事聊參物外觀
鶴愁新市井燕識舊衣冠
寺古難逃劫松高易激湍
還凭高處望一見海天寬

題孟氏惠麓小隱

秦夔

亂後家何在歸來始定居
丹心三尺劔白首五車書
戚畹名猶在雲臺業未疎
結廬來小隱歲晚足耕鋤

遊惠山

秦夔

杖履來應慣山深趣自諳
禪枝倦鳥宿佛日老夫貪
牕戶含靈籍衣裳帶夕嵐
竹鱸茶已熟一酌愛泉甘

秦廷韶速遊惠山次韻

程敏政

江雨吹風過山門向曉開
挈瓶分水去騎馬聽松來
宿鳥驚人起新篁夾路栽
多君畱別意隨處送春杯

宿毘陵驛

吳寬

孤舟城下宿城漏滴寒更
往事無人問幽懷忽自驚
春星垂野動村火隔江明
北鴈無來耗蓬窗夢不成

遊善權洞

楊一清

餘興尙崔巍盤旋去却迴
停杯遲岫月躡屐破林苔
歌吹緣雲上

茶煙引鶴來奇觀誰解賦何遜故多才

惠山寺和姚少師舊韻

邵寶

十年酬遠興秋晚寺門開山色空中落泉聲起處來草香尋異品
樹老問初栽欲爲茶神酌還將酒一杯

惠山十賢堂成有作

邵寶

萬古名泉地諸賢今有堂雲龕藏舊影水鑑發新光國史千鈞筆
鄉評一瓣香煩僧語游客到此肅冠裳

金蓮池

邵寶

藉草仍移坐臨池看水流松陰知日午萍色報霜秋渠曲僧廊轉
波澄佛殿浮上方時供茗與客共淹留

青山

邵寶

踏月青山路青山半日雲千峯知速客數月已期君林籟隨風息
湖光隔渚分登臺問泉水滴滴細還聞

膠山萬玉亭

唐寅

萬玉一亭子山僧清可知雲陰消暑地月影弄秋時笻生足薦酒
客來堪刻詩何當竟深造莫問我爲誰

送聲上人領剝住持天甯二首

唐貴

上人未幾日別我復南歸自卓山中錫誰爭石上衣慈航登潞渚
法斧斷雲鞵安得相從去容參第一機

空裏乾坤闊閒中趣味深住桑三宿意面壁十年心明月波間影

浮雲天際陰去來千萬劫無古亦無今

寄題高曾唯君山別業

李夢陽

季札墳邊業春申邑後山一江平展鏡兩港曲成環不雨雲煙擁
長春草木斑隱居梯萬丈倚許世人攀

遊惠山

秦金

五馬經行地幽尋興獨奇雨沾芒履潤風逗葛巾欹翠壁平臨關
金蓮暗湧池不辭歸路晚點筆更裁詩

遊橫山

徐問

山居少塵事竹戶傍幽開八景藏圖書三峯隱路臺天寒松落子
雨潤石生苔烟火村墟晚岡巒與夢迴

秋夕懷江陰曹毅之

何景明

百卉飄零盡孤鴻何處歸
高樓橫暮笛萬戶搗寒衣
南國江湖遠
佳人尺素稀
獨愁誰與晤
明月鑿重幃

蠡湖

孫一元

初日浮高樹晴鷗散淺沙
挂帆湖水上聞笛野漁家
岸折菰蒲合
雲迷山郭斜
芳洲動幽興
白起采蘋花

黃埠墩

談一貫

中流地不盡花木隱芳墩
早暮霞光合江湖水脉分
青天墮鶴影
碧障皺龍文
日晚歸舟近
鐘聲送客聞

游顧山寺

劉光濟

井邑連山界招提控上方山臨平野闕路繞礪流長樹古含靈氣
樓虛接混茫來遊春色晚花雨散空廊

避暑清暉軒

吳大禮

盡日渾忘暑清風臺榭多斷虹殘照落疎雨片雲過意適隨魚鳥
窗閒任薜蘿遶遶夢初醒何處起菱歌

遊祥符寺

馬旄

遙憶少年日禪宮著屐遊夫椒山外境笠澤水邊樓梅雨一旬暝
松風五月秋何能訪僧去重泛北湖舟

題官長山呈李方伯

歐陽席

野色蒼茫裏孤高見此山亂雲棲石磴疎雨漲溪灣岩帶青霄遠

松臨古屋閒箇中人似玉能透利名關

遊祥符寺

段金

一宿湖心寺塵機漸覺疎
濤平風息後山暝月來初
汲水分雲乳繙經落蠹魚
老僧無別事相對話眞如

遊神墩寺

唐珣

昔聞山下路山寺此時登
隔岸時聞磬穿林始見僧
鶴巢欹古樹猿果墜高藤
欲占西湖勝樓居第一層

遊橫山王氏山莊

毛憲

芳山頻仰止欲賞恨無緣
風樹層崖響烟蘿峭壁懸
莊居知有主天造自何年
遙望情無限神遊去復還

與余民用潘時覲同游惠山

楊璿

前朝湛氏宅十載一經行境勝多題詠僧閒少送迎松風禪榻靜
花雨石牀平共飲山中水蕭然脫世情

雨憩聽松閣

楊璿

山雨正冥冥山僧開翠屏水拖千澗白雲約半峯青石髓分茶鼎
塵心靜佛經松風坐來定餘韻遶簷楹

遊祥符寺

吳仲

遠公開小閣坐我舊蒲團玉塵從輕拂楞嚴入細看煙蘿望欲暝
雲水坐生寒謾道禪機靜飯心禮夜壇

惠山寺與施子羽話別

華察

看山不覺暝月出禪林幽夜靜見空色身閒忘去留疎鐘隔雲度
殘葉映泉流此地欲爲別諸天生暮愁

登橫山頂上覽州城

王慎中

歸翼帶殘霞山城晚氣佳鳴雞闌四境翔雉遶千家碧樹州門靜
黃塵市裏譁愁心因縱目共有異鄉嗟

書永慶寺

羅洪先

城陰背流水遠樹夕含風避客溪橋外逢僧野竹中間名無以答
齋食自然同更向忘歸處方知過去空

寓天甯寺感可大兄弟同省

羅洪先

兩生來就傳適我臥精廬共器餐僧飯分燈讀父書思歸緣問寢

謀道豈復居試論西河易離羣何所如

暮春遊南嶽四首

南嶽荆川集
作陽羨南山

唐順之

清溪知幾曲惟見白雲深一入藤蕪徑欣聞樵採吟春鶯未停囀
夏葉始繁陰乘此縱長嘯悠然物外心

洞口石縱橫流泉復有聲柴門何處入雞犬自相迎靈草知昏曉
時禽識雨晴非因罷官久誰得此間行

到處暗杉松多言路不通却從青障外轉入綠園中谷口逢茶女
溪邊狎釣童勿嫌疎散甚吾亦是愚公

花落已成蹊村村綠葉齊一團通蝶戲千嶂隔鶯啼澗草多名蕙
山人舊姓稽窮歎猶未返忽是夕陽西

同皇甫子循遊橫山二首

唐順之

曲磴行來盡松陰轉寂寥不知茅屋近却望石梁遙葉響疑聞雨
渠寒未上潮夫君軒冕客此地欲相招

常時思獨往坐爲塵事撓幸接金門客相攀桂樹榮峯微片雲度
谷靜眾禽鳴何年將結社與子共逃名

題清溪莊贈顧副使

三首
錄一

唐順之

阮生常避俗平子正歸田種秫供生事爲樓伫列仙沙行隨鷺跡
湖泛趁魚船月下聞高咏應多感興篇

過王九巖讀書圖

唐順之

微月挂孤壁四山何悄然因穿蘿徑去忽造竹林邊叢木深寒氣

平蕪澹野煙徘徊興復盡還就茅齋眠

題陳渡草堂

唐順之

經時不到此花落遍庭蕪開館猶如客憑軒忽喪吾蝶飛看栩栩
鳥喚聽烏鳥便欲題邱壑於今總姓愚

贈王春巖朝京

唐順之

赤縣神明宰如君最少年無言似桃李有志笑鷹鷂得暇卽開卷
長貧不受錢此行人共羨名在御屏前

罷病歸訪王含真山人

唐順之

一與山翁別年華每自傷還因解龜後重問養鷄鄉蘿薜牕中影
鉛砂枕上方鴻濛常不語何以答雲將

題永慶寺示諸友

唐順之

村墟正三月春服領春風飛鳥機心外青天佛眼中觀心猶是障
齊物亦非同何處參真訣顏生肯屢空

公安得應德村居詩酬贈四首

陳東

應是歸休日安貧得所如鹿裘新著便貝帶舊游疎返舍因爭席
還山羨卜廬閉關無遠意不著絕交書

偃息荆溪上明時挂一瓢帶經收雨麥抱甕汲春苗石室甯期道
茅齋已混樵時聞田舍客伏臘每相邀

恰得高深理造榮殊自甘酒狂身欲廢詩癖性猶耽林果從猿乞
臆談與鶴諳還言梳沐嬾更住小山南

相期邱壑意，悵憶海雲深。更落淮南葉，愁聞吳會吟。祖生先著策，
賁禹未投簪。言貫盈尊酒，歸來共竹林。

冬日寄唐應德因懷橫山之遊二首

皇甫汈

山館同君別，江城歲載陰。簪情期更盡，屐興憶重臨。月挂松臺寂，
雲繡竹徑深。唯餘流水曲，終夜待鳴琴。

聞君慕陽羨，歲晚竟移家。有興堪乘雪，忘言學臥霞。臨江掣蕙草，
幽洞問桃花。肯向金門裏，微官忝物華。

訪白室吳子於天得園

白悅

言尋吳季子，忽漫到南塘。錯錦茶蘼架，連雲枳棘牆。鶯簧花徑外，
鶴圃水中央。小舸乘新月，沿迴與轉長。

前湯庵

王立道

僻地多逢寺，秋花滿石壇。
僧閒縫衲坐，客到出門看。
失姓離羣久，躬耕乞食難。
清言殊未厭，車馬去長安。

黃埠墩

陸師道

湖色芙蓉淨，山容菡萏開。
水浮孤嶼出，帆映兩汀迴。
俯檻鯨魚聚，移舟白鳥來。
川巒夕照好，歸櫂莫相催。

過白二職方

吳維嶽

曲戶廣庭除，都城美矣居。
竹疑穿幕燕，荷喜集房魚。
浪語杯深後，幽懷病起餘。
莫嫌攀附會，贈爾逍遙書。

毘陵與馮宜興雨集兼寄嘲徐子弼地宰

吳維嶽

莫以連封近經秋見面疎簿書慙祿隱舟楫當閒居徐孺榻堪下
侯生席尚虛江城多暮雨雜珮贈何如

毘陵送馮五汝言

吳維嶽

執手江天暮雙燈照雨殘題詩翻益恨對酒強成歡舟動知潮上
衣分屨夜寒年來輕別意今日爲君難

病起南行呈荆川尊師

吳維嶽

樞承纓兩月半苦病侵尋官爲親民出詩因戀主吟雙鳧少神術
五斗增塵心所志存沂瑟終彈單父琴

九日同董進士遊白氏園

吳維嶽

秋老碧河隈園林淨草萊上卿畱舊業佳節訪高臺池曲因山鑿

樓寒近竹開主人能醉客不藉白衣來

點易臺有感

王問

點易人何在林端空有臺雲泉久已闕寧有露珠來竹色傷心碧
山風拂袖迴乾坤不盡意千古更誰開

新霽訪施子羽洞虛道院

王問

迢遞思吾子春晴坐絳紗迴風淒徑竹積雨滯林花落日過仙院
吹笙隔紫霞相逢不盡意一倍惜年華

與客夜登開利寺觀鷲亭

王問

野寺寒雲外猶傳晉永和逢君非有約踏月偶相過廢沼冰棱淺
荒亭霜氣多懷思倚闌者書罷獨籠鷲

清溪莊

王問

使君初解綬小隱碧溪深以我蟪蛄歎知君蘿薜心涼風度虛閣
明月滿前林歲暮垂楊岸扁舟許獨尋

訪薛方山考功山中

茅坤

仙郎暫休沐採藥事長生囊裏黃金液糧兼秋菊英種魚經臥讀
高士傳齊名怪爾逢知己猶言倒屣迎

寓居吳寓菴園亭

洪朝選

園亭雖小構旅客遂深棲倚樹防驚鳥開軒故面溪逃虛滋野性
因是付天倪機事都忘盡只應學灌畦

開利寺觀鵝亭

尤瑛

千載右軍墅觀鷺池尙畱寫經人已去弔古我重游斷渚梳翎鴨
殘碑礪角牛不勝今昔慨無復敢登樓

送張虞部左遷常州別駕二首

王世貞

冠蓋無容地蕭然一郡丞孤帆下揚子秋色滿毘陵白日垂難問
青雲傲可憑汝能勤撫字夫豈愧飛騰

把袂翻輕別沾膺自感時主恩遷地近吾道小臣宜月迴延陵劍
潮平太伯祠古人崇退讓今予莫淒其

園居二首

吳可行

陶令餘荒徑淮王作小山孤松真可撫叢桂儘堪攀兀兀耽黃卷
僊僊著白綸從教貧似憲祇覺樂於顏

覆草卽崇亭攀條漸設屏風從松下勁雨向竹間零魚影頭頭見
蟬聲面面聽一身煩應接何暇著玄經

送周左軍同遊惠山寺

王穉登

月作重輪滿秋當兩度中人天金粟界龍象白蓮宮霧氣晴偏溼
池光晚欲空離情似流水出寺卽西東

保安寺

王穉登

破殿何年寺殘碑記赤烏瓦穿藤尙葢梁壞木難扶落葉如相語
寒蛩只自呼遠公嘗送客曾過虎溪無

浮澤廟

王穉登

松塢石林林秋風萬壑陰泉清塵客耳花點定僧心龍去墊祠破

烏啼萬竹深蒼生，餓渴甚朝夕望爲霖。

同萬思行萬子寅過白光祿園亭值主人避喧別墅

唐鶴徵

百折通幽澗，層霄出翠嵐。過從應已慣，繚曲尙難諳。鳥或逢人狎，巖宜面壁參。如何白居易，猶別閉茆菴。

次日復過惲園主人出歌佐酒盡懽而別

唐鶴徵

名苑看綦布，邀賓任所如。但來常下榻，何必盡吾廬。疊石生雲細，叢篁闢徑疎。況能歌白苧，子夜未應虛。

秋日過吳逢萊園亭

唐鶴徵

折腰非所願，抱膝亦空吟。幾見園林晚，悠然歲月深。朝來翻古帖，

燈下理寒衾門外無窮事何關靜者心

水居

施策

高士耽棲隱清溪卜築幽門開五柳徑坐繞百花洲水榭延青嶂
芳堤對白鷗羊求時許過老我幸同遊

讀書寶界山中二首

孫繼皋

山中無棟宇小屋但誅茅境僻人煙少林深虎跡交暗泉通石竇
炎日避松梢寂寞元吾事披襟坐解嘲

渡湖山色好此路卽沿江避世誰知漢居人或姓龐巖花解亞石
水竹淨當廳采藥兼垂釣長容繫小艘

雨際春申湖上觀泉

鄒迪光

振策春申澗松門吼亂泉出雲穿眾壑帶雨下諸天蠟屐沾流進
絺衣避瀑懸濯纓情未已洗耳欲高眠

寄暢園

鄒迪光

堤迴曲枕水室密巧藏山紫園青葱色朱櫺綠薜斑路因妨竹徙
門爲護花關咫尺琳宮在袈裟日往還

君山晚渡

冷宗元

落日黃山浦輕帆綠樹斜江浮漁火岸城俯馬馱沙拂雨禾千畝
籠煙竹幾家海天長嘯處吟興浩無涯

蜀山書院

陳公懋

萬壑雲山裏坡仙迹已陳依微殘壁夜寂歷野花春光氣橫孤漢

文章滿後塵懷賢動長思何處采芳蘋

福延庵贈振延上人

顧允成

太虛石洞扉孤絕少人依遠客攜琴過逢師乞食歸一蒲青草上
四面白雲飛盡日無言說岳花落滿衣

永慶寺竹院納涼

焦竑

結夏初從地高林散鬱蒸茶香透深竹人語隔垂藤把臂連中散
談心失小乘琅玕青可刻聊欲記吾曾

黃園學秀閣

董其昌

烟景駐征驂晴林踏落花因聽綠水曲忽到赤松家魚鳥向人近
樓臺俯郭斜更攜餘興在絲管隔窗紗

梁溪道中遇雪有懷薛夏漪先生時美人張聽雪在舟中彈

琴

尹嘉賓

芙蓉湖上雪有美拂琴堪山意靜相語風花故作寒
絳唇呵凍筆
界茗淪冰丸題此重懷古風流尙未闌

示兒

繆昌期

諸兒初了了長大竟無成往事渾如夢遺經累後生
覆巢甯有卵
刈草豈畱萌幸得收吾骨還須隱姓名

赴逮

李應昇

已作冥鴻計誰知是僂民雷霆驚下土風雨泣孤臣
憂患思賢聖
艱難累老親生還何敢望解網頌湯仁

惠山寺

陸弼

野寺落花新何來對角巾鶯啼千樹午鱸薦五湖春白幘多幽事
青尊幾故人天涯堪一醉容易隔風塵

惠山雜興

馬世奇

言尋黃綺約小築近山尖攬翠雲添色迎涼日解嚴松聲歸枕角
梧影落書籤性癖耽幽寂僧來亦可嫌

過聽松菴

顧協

偶得讀書暇來尋野衲家澗鳴風乍起山暝日初斜到樹鶯啼鳥
推窗見落霞同游鄭高士坐石共分茶

石門

嚴紹宗

一徑噴旣裏蒼蒼夕照過吟懷縈絕壁逸興上懸蘿風急禽聲脆
雲深僧定多蔬珠應不遠搔首意如何

延陵季子祠送張守

釋宗泐

延陵古名郡季子有祠宮古木階前合長河戶外通仁風垂後代
讓德繼先公太守之官去袞賢禮更崇

和王孟端送眞上人還惠山

釋廣益

故人迎候久料亦恨遲還建業吟邊雨梁溪夢裏山室空龍臥澤
松暝虎巡關塵網慙徧見禪心去住閒

送華重慶歸無錫

朝鮮國人

異國逢秋早金風落井桐鄉關浙江外身世海天東阻折干戈際

依稀魂夢中秋多
朱玉恨誰慰
遠人衷

送陳椒峯舍人歸毘陵二首

國朝馮溥

巧宦知能免春風
別緒長訂期
言欵欵把酒意
茫茫吾道窮
應固斯民直
可望驪歌愁
滿臆誰謂次公狂

瀟風嗟久散
此去欲何之
已被才名悞
休言運數奇
乾坤容悔過
師友恕箴規
抑戒聞圭玷
恭人秉德基

感恩詩

吳達

帝自憐蘇軾
臣甯比屈平
全家恩獨厚
九死報猶輕
稷契原虛負
膺滂豈有聲
西風一洒淚
回首望神京

守歲南村

憚格

漏向歌中盡家餘物外貧
燭花銷蜡蠟杯酒換冬
春夜鳥孤村雪寒松隔
世人辛盤照華髮兒女
暫相親

與吳子論詩夜立白雲渡

惲格

出戶見新月昏鴉栖未安
霜林雲外直風草渡頭寒
偶爲論詩久相忘向夜闌
飛揚真自許對爾欲彈冠

孤山遠眺二首

惲格

振衣空翠裏悵望水天隈
百谷秋濤壯千帆夕照來
竹深山徑合雲盡海門開
無限登臨意憂時賦七哀

一峯原砥柱今日見桑山
海嶠雲邊出江城樹杪懸
葉飛孤岸雨鴈渡萬家烟
吳楚蒼茫裏凭高思渺然

懷家兄于野遊毘陵

朱綬

一棹江干去遙遙入晉陵寒梅開野寺春水送殘冰澤國門前舫
天涯客裏燈應知鄉思切歸夢幾層層

題二泉亭子

曹禾

澗道泉流急松風眾壑來天源千丈落地脈一泓開絕品今誰是
中冷尙費猜獨將清冷意流入野人杯

寄毘陵楊高士瑀

顧炎武

廿載江南意愁來更渺茫友朋嗟日損雞犬覺年荒水厯書池淨
山連學舍長但聞楊伯起絃誦夜琅琅

秋曉溪行二首

徐喈鳳

野宿更偏永，平明促放船。
樹紅疎漏日，溪碧遠搖天。
孤鶴鳴煙浦，羣鳧掠水田。
西來饒爽氣，凭檻意悠然。

波如秋簟細，山與曉雲連。
漁笛吹洲尾，村煙出樹顛。
喧爭蟹市，估泊弄鷗絃。
坐覺塵襟滌，高歌獨叩舷。

宿毘盧院

徐翺鳳

昔曾此三宿，今復叩雲關。
僧老頭全白，松長鱗亦斑。
階前浮碧水，牖裏落青山。
覽憩消塵想，重將舊句刪。

除夕毘陵舟中作

劉元勳

舟行風雨急，日暮路偏紆。
天黑人烟際，燈青客夢孤。
家家沽酒處，處處換桃符。
稚子真堪念，蕭條望老夫。

宿秦園作

潘耒

何地無池館茲園天下聞禽魚親

玉輦雲水學龍文盛事圖經得清暉野老分逍遙元有谷不必遠
入羣

登惠山寺

王士禎

古寺南朝蹟花時汗漫游泉疑申澗雨松照蠡湖秋伏氏青山宅
吳田碧水流九峯春正好悵望此林邱

江陰何明府邀登君山二首

王士禎

澄江山作郭郭外卽江流共說君山秀蒼蒼江上浮微茫天水合
蕭颯亂帆秋不見春申墓松聲迴暮愁

楚相何年邑淒涼此獨經棘門成宿草浮遠祇空亭半壁收吳楚
空江入杳冥却思洞庭上一十二峯青

鄧簡討招飲梅園

王士禎

暨陽城外路倚棹數寒鴉何處吹橫笛江南雪後槎故人碧山隱
招我問梅花更上花間閣香山數點斜

梁溪西路曉發

王士禎

梁溪五湖口曉望亦悠哉翠嶂九峯合明流一鏡開潮連申浦去
帆映錫山來好趁樵風便輕舟任溯洄

將抵毘陵先寄雲孫討士文友

王士禎

初罷丹陽酒天寒旅思驚暗潮黃歇浦殘雪呂蒙城水驛烟中飯

山橋樹杪行作書報數子傾倒話平生

呂城雪霽二首

王士禎

雞鳴呂城鎮日出市橋東雪屋迴汀口煙檣野竹中鳥飛皆貼水
舟泛若乘空古蹟成荒壘行行慨阿蒙

午夜雲陽道扁舟狎老漁神亭雪幾許直瀆路何如烟水懷前侶
江湖未定居斷橋叢樹裏何處卜吾廬

春暮訪曹二應青墩別業二首

龔百藥

來遊東郭外數里望青墩徑轉桃花岸春添溪水痕風光何澹蕩
吾意覺飛翻爲問漁樵者還過第幾村

谷鳥嚶嚶亂溪魚潑潑新豆栽片小松葉綻香勻得失憑何物

乾坤笑此身偶來尋步履亦足傲風塵

登惠山

彭定求

鄉園重入望登頓便悠然欲問愚公谷來聽第二泉
遠峯明晚照古寺淡秋煙吾夢滄浪穩從茲下釣船

遊惠山

彭定求

枉櫂晴煙裡暮湖曉鏡懸愛山重入寺洗耳一聽泉
春淺游塵少身輕步履便南朝餘古蹟俯仰感流年

錫山湖嘴夜泊

彭定求

百里程偏滯停橈聽漏殘星芒臨水動月影受霜寒
礮道思窮陟泉源憶舊觀臥遊當此夜清夢一盤桓

夜泊毘陵有懷孫衣月夫子

羅承祚

夜色毘陵郡恰當歲晏遊客心懸驛路歸興滿扁舟倦鳥趨林宿
孤雲逐岫浮城中函丈隔一水自悠悠

第二泉同計甫草賦

宋 學

寂歷空山下涓涓第二泉來遊新雨後正直采茶天古蠶莓苔積
虛亭礪壑偏風爐松樹下石鼎句堪聯

泊河橋

施閏章

人聲喧夕岸舟子報河橋殘暑亂螢火涼風歸柳條市荒全罷柝
夜警數移橈漸覺秋光逼明河出絳霄

送陳其年還陽羨

李良年

陽羨歸何早裁詩悵別筵
爲招隱作絕勝遠遊篇
夜舫芙蓉雨
秋空橘柚天浮名容易歇
生計合林泉

題陳椒峯啓閣

邵長蘅

夏木交柯暗風荷一頃香
鉤簾凍雨過岸幘酒卮涼
跂腳羲皇近
探書委宛藏夕陽歸翼亂
城郭晚蒼蒼

常州道中紀事

查慎行

一丈黃泥浪郊扉尙有痕
孤城經雨塌百瀆被湖吞
鵝鴨迴頭失
蛟龍掉尾渾亂帆如白鷺
點點稻花村

夜宿常州城外

查慎行

渡江纔兩宿今夕到毘陵
酒熟橋邊肆魚跳柳外罨
煙波千里舶

簾幕幾重燈漸與鄉園近惟愁米價增

梁溪道中

查慎行

山水多平遠秋來悉美田紅薑肥似掌紫芋大如拳玉剝菱腰闊
珠收芡粒圓老饕歸爲口一味說豐年

周處讀書臺

臺圯址存感懷因有此作

杜詔

臺廢尙遺址城高雉堞空在朝能獨立致命見孤忠始信讀書效
誰誇力戰功斬蛇與射虎未足號英雄

春城春望

儲方慶

城上春光滿登臨興自賒輕風拂楊柳晴日照梅花京國迷天路
山川感鬢華雷連惟野色郭外幾人家

洛社村中散步

敖嶽

路隨松徑轉人作暮春憐水碧全依草山青欲近天長林疎雨後
古道斷雲邊策杖前溪往歸禽噪夕煙

艤舟亭

黃永

陽羨歸田日扁舟那處無往來煩此地踪跡愴吾徒客舫連晨暮
人烟宛畫圖幾時亭上坐把酒共招呼

能仁寺感舊

鄭朝統

古樹藏名利風霜飽葉芽停舟吟白雪豔曲發紅牙斷隴看驅犢
斜陽數落鴉依然都在目往事惜年華

初夏南嶽山房遣興二首

曹亮武

花事亦已了，遶聞草木香。若將捐世網，直欲傲羲皇。曲磻泉聲細，
閒房午夢長。悠然登小閣，松影近斜陽。

盡日無人到，香清獨掩扉。松陰時過鹿，雲氣欲侵衣。是處聞樵唱，
何山隱釣磯。一燈懸靜夜，兀坐已忘機。

午日晚晴白雲溪感舊

管心咸

綠醕酬佳節，黃梅釀雨寒。雞豚午市散，門巷晚晴乾。策杖探新漲，
臨流憶舊歡。新朋半存沒，老淚不禁彈。

雪晴曉往楊村泥淖難行中途小憩田家

管心咸

杖藜侵曉出，風吼助寒威。石骨雪消瘦，溪流冰泮肥。車驅駕羸犂，
野牧散家豨。徑仄愁泥滑，村翁挽我歸。

蘆墅菱

管心咸

去郭西數里秋風老角菱
罨舟近墅女淪茗小菴僧
解棹易爲主呼朋興偶乘
衰年防齒軟嫩剝力還勝

龍池

陳維岳

憶昔探奇勝題詩池上樓
亂山雲石古一徑竹松幽
怪侶稀中散名僧湯惠休
曾聽夜半雨龍跡至今留

南嶽山行分韻

陳宗石

出郭尋幽逕愁懷此日開
秋光生薜荔晴色老莓苔
葉黑隨風落山空任客來
雲封看漸近前路足徘徊

踏青灣卽事

陳履儼

任放何嫌僻招尋到此間湖天空遠目山日醉寒顏漁艇連鷗集
樵柯帶藥還可憐荒落塚榛棘滿前灣

雨過無錫

汪援甲

細雨連征岸斜風送客船離離晉陵樹漠漠惠山煙粉堞沙邊郭
朱欄水上軒遙思桑苧客竹裏煮新泉

泊東湖雙橋

岳麓

凌晨過夾浦日暮泊雙橋就網分鮮鱸提壺倒濁醪山光浮近遠
帆影沒波濤笠澤誰云闊葦航信未遙

禹門禪院

路邁

登山不見寺古木何蒙茸濃霧入飛鳥高寒隱臥龍紺宇依秋壑

青山渡晚鐘
塵緣到此盡
夜半吼長松

無錫縣

張賜

幾日江南客
耽幽小簾橈
城根明野水
柳色隱河橋
山碧春光暮
天空鳥影遙
因思酌泉味
塵夢正迢迢

東皋竹圃

陳龍珠

因與主人厚
頻來坐竹林
千竿搖冷翠
一徑布清陰
雨過龍抽籜
風來鳥弄音
纖塵俱不到
長此寄遐心

藕塘橋卽景

陳龍珠

藕塘橋畔路
一日一經過
細雨溼青草
輕煙漾碧蘿
逕幽人跡少
樹密鳥聲多
更有漁孃好
鸛鸞唱棹歌

秋日偕邢鴻達登君山望江因過圓覺菴訪慧海上人看池

上木芙蓉

趙曦明

秋老江天迥，良朋意氣同。
攀危臨淨練，扶倦訪冥鴻。
入室恍虛白，映池欣晚紅。
野情銷不盡，一笑虎溪風。

冬日小集蘆溪草堂和朱大米酒後野步之作

趙曦明

良會如茲少，能拚日影殘。
逶迤賢主導，次第好山看。
暝入林烟重，風生野氣寒。
催燈重命酒，吟笑失更闌。

毘陵道中

趙昱

吳州過漸遠，回首渺鄉關。
盤曲舟如磨，欹危岸似山。
花評春事減

漁計晚曾閒幾惜韶華近年來此狂還

二泉亭試茗

翁照

秋氣入山靜來尋第二泉水哉終古潔飲者幾人傳杯泛松間月
鑷籠竹外烟夜深羣籟寂一酌意泠然

發毘陵

董潮

舊國家何在他鄉反是歸存亡雙淚迸去住兩心違別夢辨長道
離情滿落暉婆娑池上柳攀折重依依

題山中舊居

吳永和閩秀

舊宅空山裏蕭閒白板扉路侵松葉暗徑長藥苗肥曉鏡湖光入
春衫花氣飛鄰姬逢穀雨時見採茶歸

地僻耽岑寂閒居事事幽
牕開雲作幔簾捲月爲鈞
撲漉山禽下
琤琮澗水流更饒憑眺興
女伴共登樓

春郊雨霽

呂晚蘭 閩秀

四野平疇碧殘霞漾晚晴
杏花沾雨潤楊柳帶烟輕
燕掠層波皺
雲生遠岫明小橋春漲滿
曲水自盈盈

春夜同表姑丁景湘

左恭人 閩秀

相對人如玉春宵許暫同
窺簾楊柳月吹燭海棠風
詩和簫聲裏
愁生燕語中劇憐諸姊妹
廿載各西東

同表姑夜坐

左恭人

顧袖憑欄久頻看樹影移
無言如有悟相對竟忘疲
月迥投懷得

風微入鬢知年來喜禪寂此境最堪思

細草爲表姑丁景湘賦

左恭人

細草一時綠萋萋不可刪春風共遊子臨水復登山檻外花千樹
樓頭月一灣何人惜芳景高唱大刀環

五言長律

題獨孤使君湖上林亭

唐劉長卿

出樹倚朱闌吹鏡引上官老農持鍤拜時稼捲簾看水對登龍淨
山當建隼寒夕陽湖草動秋色渚田寬渤海人無事荊州客獨安
謝公何足比來往石門難

酬滁州李十六使君見贈

李公與子俱於陽羨山中新營別墅以其同志因有此作

劉長卿

滿鏡悲華髮空山寄此身
白雲家自有黃卷業長貧
嬾任垂竿老狂因釀黍
春桃花迷聖代桂樹狎幽人
幢蓋方臨郡柴荆忝作鄰
但愁千騎至石路却生塵

毘陵送鄒結先赴河南充判官

劉長卿

王事相逢少雲山奈別何
芳年臨水怨瓜步上潮過
客路方經楚鄉心共渡河
凋殘春草在離亂故城多
罷戰逢時黍輕徭聽俗和
東西此分手惆悵恨烟波

祭張公洞

皇甫冉

善心知稼穡精意遶山川
風雨神祇應笙鏞詔命傳
汰蕩祇掃地

前桂羨靈仙拂霧陳金策焚香拜玉筵雲開小有洞日出大羅天
三鳥隨王母雙童翊子先何時種桃核幾度看桑田倏忽煙霞散
空巖騎吏旋

賦得荆溪夜湍送蔣逸人歸義興山

皇甫冉

驚湍流不極夜度識雲岑長帶溪沙淺時因山雨深方同七里路
更逐五湖心揭厲朝將夕潺湲古至今花源若許到雖遠亦相尋

哭靈一上人

嚴維

一公何不住空有遠公名共說岑山路今時不可行舊房松更老
新塔草初生經論傳緇侶文章遍墨卿禪林枝幹折法宇棟梁傾
誰復修僧史應知傳已成

獨孤常州北亭

張南史

北廬敞高明，憑軒見野情。
朝回五馬跡，更勝百花名。
海樹凝烟遠，湖田見鶴清。
雲光侵素壁，水影蕩閒楹。
俗賴褰帷謁，人歡倒屣迎。
始能崇結構，獨有謝宣城。

題歷山司徒右長史祖宅

湛賁

隱官長史籍，高步歷山椒。
麗句傳黃絹，香名播宋朝。
分能知止足，跡貴出塵囂。
松竹心長固，池臺興自饒。
龍宮欣訪舊，鶯谷忝遷喬。
從事叨承乏，銅章媿在腰。

寄揚工部聞毘陵舍弟自菴溪人茶山

姚合

採茶溪路好，花影半浮沈。
畫舸僧同上，春山客共尋。
芳新生石際

幽爐在山陰色是春光染香鷺日氣侵試嘗應酒醒封進定恩深
芳貽千里外怡怡太府吟

投常州從兄中丞

張祜

扁舟何所往言入善人邦舊愛鵬搏海今聞虎渡江士因爲政樂
儒爲說詩降素履冰容靜新詞玉韻縱金魚聊解帶畫鶴稍移椿
邀伎思逃席留賓命倒缸吏材誰是伍經術世無雙廣廈當宏構
洪鐘併侍撞成龍須讓邴展驥莫先龐應念宗中末秋螢照一廳

題茶山

杜牧

山實東吳秀茶稱瑞草魁剖符雖俗吏修貢亦仙才溪盡停蠻櫂
旗張卓翠苔柳村穿窈窕松澗渡喧阗等級雲峯峻寬平洞府開

拂天聞笑語特地見樓臺泉漱黃金湧

山有金沙泉修貢出罷貢卽絕

牙香紫壁

裁拜章朝沃日輕騎疾奔雷舞袖嵐侵潤歌聲谷答回磬音藏葉
鳥雪豔照潭梅好是全家到兼爲奉詔來樹陰香作帳花徑落成
堆景物殘三月登臨愴一杯重遊難自尅俛首入塵埃

常郡八邑藝文志卷十一